



**TUZILASTVO KS** Očekuje li direktoricu KCUS-a sudski proces

# Sebija Izetbegović pod istragom zbog utaje novca!

Izetbegović se sumnjiči za krivično djelo zloupotrebe položaja i ovlasti • Nezakonito prisvojila 25.430 KM, a istragu vodi **SIPA** • Prijavu podnio nezakonito smijenjeni predsjednik ljekarske komore dr. Fahrudin Kulenović

Tužilaštvo Kantona Sarajeva donijelo je naredbu o provođenju istrage protiv Sebije Izetbegović, generalne direktorica KCUS-a, koju sumnjiči za krivično djelo zloupotrebe položaja i ovlasti, a u vezi s krivičnim djelom utaje, potvrđeno je za „Dnevni avaz“.

## Osnovana sumnja

Azra Bavčić, portparol Tužilaštva, kazala nam je da je predmet u radu, ali da više informacija nemogu iznositi.

Kako saznajemo, postupajuća tužiteljica u ovom predmetu je Amina Ruždić, a naredba o provođenju istrage, koju vodi **Državna agencija za istrage i zaštitu (SIPA)**, done-sena je prije nekoliko dana. Tačnije, tri dana prije Ramazanskog bajrama.

Istragase, kako je nezvanično potvrđeno za „Avaz“, odnosi na odluke Sebije Izetbegović u vezi sa zadržavanjem novca Ljekarske komore KS, a na osnovu prijave koju je u oktobru prošle godine Kantonalnom tužilaštvu podnio nezakonito smijenjeni čelnik Ljekarske komore dr. Fahrudin Kulenović.

Riječ je o 25.430 KM članarine, koje je Izetbegović nezakonito prebacila na poseban podračun KCUS-a. Istragom Tužilaštva KS obuhvaćeni su i Mirza Dilić, šef Klinike za vaskularne bolesti, i Enra Suljić, direktorica Instituta za naučnoistraživački rad KCUS-a.

Zvanična istraga pokrenuta je nakon što je Tužilaštvo KS po prijavi

Kulenovića najprije zatražilo od **SIPA-e** da provjeri sve navode i izuzme dokumentaciju iz KCUS-a, što su inspektori **SIPA-e** i uradili u aprilu ove godine.

Provjerom svih dokumenata utvrđeno je da postoji osnovana sumnja da je počinjeno krivično djelo zloupotrebe položaja i utaje novca. Kulenović nam je jučer rekao da je u prijavi naveo da je Izetbegović novac od članarina otuđila, te time oštetila Komoru.

- U oktobru prošle godine prijavio sam hanumu Izetbegović jer nije dala da novac od članarina ljekara KCUS-a, koji su članovi Ljekarske komore KS, bude prebačen na naš račun. Riječ je o 25.430 KM – kazao je za „Avaz“ Kulenović.

## Nezakonite radnje

On nam je potvrdio da su nakon prijave i tužbe koju je podnio uslijedile provjere.

- Tužilaštvo sada radi svoj posao, nakon što su vještaci izuzeli dokumentaciju u ovom slučaju – naveo je dr. Kulenović.

Naš list mjesecima je upozoravao na samovolju Sebije Izetbegović, na šta su čelnici Komore, također, javno ukazivali, zbog čega su i smijenjeni, a novac koji su imali na računu i koji su izdvajali zaposleni za članarinu, Izetbegović je nezakonito čuvala na posebnom podračunu i time ucjenjivale svoje protivnike.

- Bila je paklena žurba da me istjeraju iz Komore kako ih ne bih mogao tužiti za kriminal i nezakonite radnje – istakao je dr. Kulenović.

**M. AŠČIĆ - A,**

## **NUHANOVIC** **Tužbe i za nelegalne smjene**

O nezakonitom djelovanju Izetbegović i njenih saradnika Tužilaštvo KS vodi još jednu istragu. Riječ je, kako saznajemo, o tužbi koju je dr. Kulenović pokrenuo nakon što je nelegalno smijenjen s mjesta predsjednika. Na njegovo mjesto imenovan je čovjek blizak Sebiju Izetbegović.

